

ՄՅՈՒՆԻՔԻ ՄԱՐԶՊԵՏ ՌՈԲԵՐՏ ՂՈՒԿԱՍՅԱՆԻ ՇՆՈՐՀԱՎՈՐԱՆՔԸ ԿԱՊԱՆԻ ՕՐՎԱ ԿԱՊԱԿՑՈՒԹՅԱՄԲ 16.08.2025



Սիրելի՛ կապանցիներ
Շնորհավորում եմ բոլորիս Սյունիքի մարզկենտրոնի՝ մեր սիրելի Կապանի օրվա
կապակցությամբ:

Յուրաքանչյուր քաղաքացու համար հայրենիքը սկսվում է ծննդավայրից, որտեղ նա
հասակ է առնում, աշխատում, զավակներ մեծացնում և ապագայի ծրագրեր կազմում:
Եվ այս տոնը սիրելի քաղաքի պատմությունը, մշակույթը և անցած ուղին մեծարելու օրն
է:

Հարուստ ավանդույթներով, պատմամշակութային, կրթական արժեքներով հայտնի
Կապանի օրը առիթ է բնակիչների համար ևս մեկ անգամ հաստատելու
նվիրվածությունը քաղաքի զարգացման, նրա յուրահատուկ բնույթը պահպանելու և
ավելի լավ ապագա կառուցելու գործին: Դա Սյունյաց մարզկենտրոնը ծաղկեցնող և առաջ
մղող շարժիչ ուժն է:

Իսկ տոնը միավորում է ոչ միայն կապանցիներին, այլև բոլոր նրանց, ովքեր սիրում և
գնահատում են մեր հայրենիքի այս զարմանահրաշ անկյունը:

Շնորհակալությո՛ւն նրանց, ովքեր իրենց աշխատանքով, հոգատարությամբ և
տաղանդով անգնահատելի ներդրում են ունենում քաղաքի զարգացման և
բարեկեցության գործում:

Վստահ եմ, որ մեր համատեղ կամքի և ջանքի շնորհիվ կշարունակենք Կապանը
դարձնել ավելի կենսունակ և բարգավաճ՝ գալիք սերունդների համար:

Քաղաքի բնակիչներին խաղաղություն, երջանկություն, հայրենի բնօրրանում նոր
հնարավորություններ ու կայուն զարգացման վստահություն եմ մաղթում:

Թո՛ղ սերն ու ներդաշնակությունը միշտ թևածեն բոլորիդ ընտանիքներում, իսկ Կապանը
շարունակի ծաղկել ու գեղեցկանալ: